

國家圖書館藏

總發書局

稀見明史史籍輯存

# 《明季野史雜鈔》目錄

習池墨醉編

客諧偶鈔

隱居放言(天都夏樂只基)

桐下聽然(夸娥齋主人)

聞見卮言

摘鈔清兵核餉劄

討降賊大逆檄

又檄

蘇人討松逆檄

討逆賊楊汝成檄

攻逆四書文(攻基惡)

雲間公討謀擁立他藩檄

頑異語

投順清朝賜

一品頂帽服色勳臣武臣

雲間近事(甲鴨)

難游錄(張家壁)

永明王之立

雲南覆沒

入緬始末

黔國公沐天波紀略

孫李紀略

世是錄

張獻忠亂楚本末

蔡忠烈公傳

李定國粵中紀略

平西王吳傳

靖南王耿傳

平南王尚傳

定南王孔傳

寧南侯左良玉請誅馬阮疏

左寧南侯

請除君側奸嚴檄文

奉使日本紀略

表忠錄

毛都督軼事狀

贈朱若始先生

王思任五書篇

原任提督蘇鬆常鎮

標下副將今降一級調用

詹世勳謹錄吳提督

捕黨史判逆塘報始末

乙酉死難名錄

浙東死難者名錄

閩粵死難者名錄

吳提督案已死諸公姓名

謝弘文案已死諸公名錄

都督吳公死事略

潯州偶記所聞

習池墨醉編

張鯤淵之死於溺也事在辛卯九月初二日公先撫闔破入海初居澣後居溺、即昌國衛城所稱舟山者是也公與昌國共事官至內閣昌國破公冠帶北向叩首就縊忽報門人蘇寅候北人已縊北人亦海上人從公於溺者也公出取酒奠之曰蘇兄待我歸至雪交亭與公妾周方姜畢四氏及子輯五之室沈氏孫女茂猗已爭先裂帛懸梁間公喜曰幸矣可無辱於人手矣遂縊亭之中梁門下及婢僕隨死者又二十七人惟孫茂猗一人得中軍林志燦及其弟桂林擁以逃有汝中軍應元者先共事於海後見事不可為乃釋兵入普陀為僧及清兵駐普陀搜逋匿得之時已名無凡出見清帥怒爾何為者無凡告曰身

寔明將軍張督撫吾舊主也謝事為僧已六年矣今見護  
法欲得督撫一家死信耳帥曰張公已全家縊矣無凡撲  
地大慟懇收遺骨焚而葬帥大怒將殺之加办者三無凡  
無惧色乃聽其收遺骸焚而葬焉公冠帶一無所損清兵  
見者皆驚仆惟羣妾皆盛粧清兵爭取其珠玉亦不敢殘  
毀皆得燔全骨已入土事畢見帥求死帥義而釋之檄至大  
童禪院焚修命防其出入焉公有絕命詩二首皆昌國未  
破日作兩子並夭今僅一孫存天之不絕忠臣後也

舊銓曹朱聞玄以吏部歸里乙酉松郡既陷遂航海及昌  
國有所建立訪求明臣甚切聞玄遂出為少宰兼學士俸  
然兵車餉少不過飄泊海居而已辛卯城破將遁入海而  
所期之舟不至遂不得與監國同往因就擒大帥陳錦欲

降之留三日方遇害時同入海者舊銓聶雙凡慎行州守  
包宜堅爾唐泉州理張吳東若義福寧州守徐用錫丙晉  
香山令顧公綸其言也聶包張徐與顧皆未久而旋歸內  
張君薤頂徐君感憤而沒聶顧二君已駸々嚮用於時矣  
死生出處之際誠難言哉

章我山曠沒於廣西全州東安縣東海王宮臨草家人董  
啟行問云有遺囑寄回家否公曰我以天下回家何以家  
為因嘆曰有子為兒我非父有妻為婦我非夫我以白露  
日生當以白露日死丁亥八月八日卒三軍哭聲震天觀  
在廣西石溪驛寺其家已破族屬方苦逆產牽累無一人  
能迎殯者啟行從兵戈中直抵粵啟觀而歸因在兵間久  
為友人沈宏濟述之甚悉遂為作楚事記畧章有妾岳州

陳氏乙酉八月從章丙戌遣去相依止三四月誓死不嫁  
丁亥聞計有清將奪之舟中俟守者憊躍入江中死別有  
妾生一子扶觀歸松

丁亥蘇松吳鎮帥之舉事也最傾心卧子而又聞瑗公有  
子存古為神童思招之為助時嘉善縣錢彥林梅夏存古  
之婦翁也向練鄉勇聞吳之舉托存古以自列於吳及敗  
所列之揭尚在吳內藉者搜得以上之洪制府遂致並逮  
翁婿洪訊獄時以存古謝上中書舍人表為罪存古已辨  
雪矣再閱前揭則所開錢氏世裔官職及器械船隻餉銀  
若干甚明出夏手筆乃無以自解然洪甚憐其才初夏之  
未逮也匿村莽中無有迹之者伯元初恐禍及已乃令其  
子遍訪以為通家信而不意其挾邏者以至也大禍瑗公

致痛伯道寔起於兄弟之相夷後元初卒於自經亦有太  
不安於心者耳聞瑗公自沉時其兄亦見而不援

邑北門順化三坊周仲妻義崔氏生女十歲時正德六年  
許贅鎖巷曹黼男益、後屢以不才絕婚父母改議他姓  
女誓不願而止嘉靖元年五月間曹聞女尚居室忽送禮  
復尋前盟周輒拒逐擔盒之夫且訟於官女聞惧貽辱自  
是茹素禮神母前托疾婉詞令鬻棺密治衾服凡置靈之  
所及身後事一、整備六月初三日夜沐浴更衣書詩二  
首至別室易新鞋縊死年二十一歲也其詩曰奴命皆因  
運不通雙親一念幾時空夜間得夢能分曉此事須知不  
苟同又曰貴家數次欲求嫺罰誓堅心拜世尊正直無私  
未明事只從一死不須論隣人周天祥之女從祖言其曾  
祖周效忠本江西南昌縣人任福建道廉使降江陰稅課  
大使洪武二十四年遂占籍云

客諧偶鈔

乙酉變後有狗節丐者二人其一在杭州湧金門自縊後人得其衣帶中一詩云佯狂乞食為何因走盡街頭無一人雞髮不如留髮好願將一死答君恩其一為金陵乞者有句云綱常落在卑田院到死猶能惜二毛

金正希先生狗難詞 腥羶穢盡山河滅獨守危城不折背生與夔龍做一場死同張許留一穴只知今日有君臣誰信一朝無日月千古無窮霄漢仇英雄徒洒傷心血

崇禎甲戌之秋華亭縣某學師夜飯後送客忽聞空中叫殺者甚衆頃之又聞叫苦惱者亦聚而且哀于今有十二年矣印之今日蓋大不祥之兆也憶及記之

興朝之南下也吾松之狗者難數人未渡江時率義兵赴鎮

遇敵而歿者則有兵部郎中慤人何公五月兵破南京其

在

京自縊者則有戶部郎中繩如吳公八月兵破松江其在  
寓縊以自殉者則有行人存我李公知縣次弓張章公兵  
破金山其守將力戰被擒不屈而死者則有懷玉候公九  
月督撫遍檄郡紳自守不屈沉河以死者則有彛仲夏公  
夏彛仲之死也自書令人拈於門前朝吏部攷功司主事  
夏彛仲絕命之詞曰允彛今日死矣允彛一日死未則新  
朝一日疑其有為今日死可以無言矣惟是先朝大帥憐  
之傳言願允彛一出耳或曰一出見非必欲殺之也又非  
即強之仕也何以不一出允彛曰今有節婦守節不嫁有  
欲娶之者曰姑出來與我一面則此婦將褰帷而出乎抑  
矢節不從乎或又曰松民六月間已安矣吳堅佳一來使

兵火之禍生民受之子為聖佳之友何以解之允彞曰聖  
佳雖余門人久不通書但其來松也與魯帥俱以大明派  
臣自號以守節為興復為題允彞能揮而去之手能詈而  
絕之乎且一到即與魯帥為難不得不出而解紛即解不  
得與周旋魯帥沒而聖佳膽怯將士無敵愾之意余固知  
其無成即別而歸豈昧於知幾者哉且千里之內一時兵  
起不約而同此殆天意豈人所為耶搃之身為明臣應為  
明死允彞今日死分義盡矣又何言去年之秋即隱于鄉  
不見郡縣令國亡則以身殉之及四郡師興不招一兵今  
兵敗者首先赴死小臣之報國者止此猶有餘愧也新朝  
有人將怒之乎將念之乎身死之後所以待我者當何如  
此非我事也無言矣宏光元年九月十七日允彞書

又詞云少受父訓長荷國恩以身殉國不愧忠貞南都既覆猶望中興中興望杳何忍長存卓哉我友虞求廣成勿齋繩如子方蘊生願言從之握手九京人孰無死不泯者心修身俟命敬勵後人 余自甲申之秋即知時不可為久隱於鄉僉以君臣大義不容不死夏月四郡師興余不招一兵不歛一餉固知師武臣之不力也非昧於知幾拯之殉國之道應然耳凡我後人勉為善而已矣生死之際何庸心為不降不辱我思古人實獲我心子女俱幼室人志在節烈二姪行仝古人無愧祖宗吾兄已高年當蓄精自愛餘無可為後人言者明吏部主事夏允彝書

乙酉五月初九清兵渡江十四破京城隨遣兵東掠郡縣吾松聞蘇常已降百姓相率豎起降旗而士大夫之以身

家為念者亦無異議爾時即有上海人王世卓及金山衛  
去任叅將洪某者先後領大清招撫之命來松、人翕然  
順風自謂可以弗煩兵革不久吳松提兵吳志葵係松人  
領麾下兵數千從海道入浦駐柳上自稱大明義師勸我  
松紳襟及鄉城富民各出助餉并收大清所選府縣官長  
數人斬之即日移兵吳門于是鄉紳沈人伯者挺身而出  
毅然以恢復自命沈固福建軍門已久移督兩廣素與閩  
帥鄭飛黃厚交爰傳移檄飛黃閩師即日由浙江出海援  
松、人以沈老宦久在閩廣必熟于計遠近信之于是號  
召市人科歛餽餉以為城守之計而一時豪士之在鄉鎮  
者各處團歛鄉兵以應所在若狂此皆又六月及七月上  
旬以內事也至七月中忽有提兵自云封侯者黃蜚由泰

湖至蘇又由蘇至松札舟師於泖中號曰數萬以為松江  
非我不能保也內連沈宦外通志葵勒取郡中每月棉布  
若干粒米若干爾時松人即疲於奔命然且以為泰山之  
托無可奈何而不知清之大兵旦夕至矣未至之前數日  
黃蜚先謀知其信遂移師浦口以為出外之計已而吳志  
葵度不能支亦歸與蜚連營惟沈宦居城尚在醉夢中至  
八月初三清兵破城沈僅以身免黃吳欲遁大風阻不能  
行清兵以小舡載火藥薄之盡赴付烈焰時黃吳皆被擒  
而松人亦鑿鑿焉矣

單猶菴述吳亮公夢兆吳亮公以乙酉八月城破被難先  
于六月初一夜夢與已過一老僕遇邀吳至一公署中門  
闔壯麗上有主者庭下犯人分東西兩丹墀跪西邊人庭

羸可怖東邊皆帶刀傷而死者老僕令吳跪東丹墀下未  
幾主者出簷下點名每呼一名死人中一名起應、過復  
倒吳怖甚而出問此中何意曰西邊皆餓死人東邊則遇  
難而斃者又問主者為誰曰官姓許名直許公死崇禎皇  
帝之難其為神宜也

猶廢又述李存義乙酉某月晝坐忽有一鴉飛集肩上存  
義以為不祥甚惡之不久果被難

許黃門譽卿七十外連<sup>生</sup>子女張冷石戲之曰兄何特愛清

朝許愕然張曰如不愛清朝何以為之添丁進口

國變後黃芥子易姓名許樵字芥子己丑卒逮至廣陵死  
於獄、中著小遊仙詩四十二章以見志人多傳之

孫雪岑太守衍嘗書屋壁曰勤以補拙儉以養廉慎以檢  
遇惠以得民公歷任 延平多善政子即文簡公承恩

孫為漢陽守克宏三世為名人

崇禎丙子江西揭重熙以監生應南畿試不第時順天京  
兆試以邊徼改期揭星馳至北都以九月晦頭場幸及入  
試乃以五經中式十五名丁丑連第

嘉善錢中丞士晉巡撫滇南歿於任沐勛為之棺殮其不<sup>材</sup>  
下千金守廵以下奠賻最厚亦不下鉅萬殮以百布百縑

故其棺巨而且重或曰置金其中非也乃殮帛多耳所携黃白多不可載乃制為刀斧等軍器令從人持之防土番路苗之劫也其子彥林旃徃扶觀盡取以歸故其家最富後彥林以吳帥事連及當事者責望過奢彥林之子不識吝不能賂遂棄市

上海裔一琦字伯圭為熊經畧所用從軍遼左與劉大將軍綏同死難受贈卹其子世卓仕清歸安撫雲間以滿裝拜墓下為父陰靈擊死吳門孫申炫祚字維九順治午未聯捷臨死見其兄青門公手撫之而絕華亭孝廉宋幼清精數學前三十年知明祚必傾預料其子必仕新朝戒不許拜其祖墓後其子微輿登丁亥榜入仕遂終不敢展墓成都一檢討校寧國人精數學甲午鄉試為供給官監臨